



改正
音訓

書經

再刻後藤點

地

□ 12
3133
4



3133
4

周書

泰誓上



友邦親之也

冢君尊之也

實丁但反誠實無妄之謂

受紂名也面彌克反沈酒溺于酒也青色冒亂女色也

國之石反

惟十有三年春大會于孟津王曰嗟我友邦
冢君越我御事庶士明聽誓惟天地萬物父
母惟人萬物之靈亶聰明作元后元后作民
父母今商王受弗敬上天降災下民沈湎冒
色敢行暴虐罪人以族官人以世惟官室臺
榭陂池侈服以殘害于爾萬姓焚炙忠良剝
剔孕婦皇天震怒命我文考肅將天威大勳

故三

書經

卷一

國故也

後且緣友改也
夷
薄瑤也

國量度也

國通國謂也

國祭社也
家土天
社也

國教也

未集肆予小子發以爾友邦家君觀政于商
惟受罔有悛心乃夷居弗事上帝神祇遺厥
先宗廟弗祀犧牲粢盛既于凶盜乃曰吾有
民有命罔懲其侮天佑下民作之君作之師
惟其克相上帝寵綏四方有罪無罪予曷敢
有越厥志同力度德同德度義受有臣億萬
惟億萬心予有臣三千惟一心商罪貫盈天
命誅之予弗順天厥罪惟鈞予小子夙夜祇
懼受命文考類于上帝宜于家土以爾有衆

底天之罰天矜于民民之所欲天必從之爾
尚弼予一人末清四海時哉弗可失

秦誓中

惟戊午王次于河朔羣后以師畢會王乃徇
師而誓曰嗚呼西上有衆咸聽朕言我聞吉
人爲善惟日不足凶人爲不善亦惟日不足
今商王受力行無度播棄黎老昵比罪人淫
酗肆虐臣下化之朋家作仇脅權相滅無辜
顛天穢德彰聞惟天惠民惟辟奉天有夏樂

國醉怒也
釋載也
而黃也
必至反

國正謂也

改正音言
斷也

天大也專力也

通語成也

帝弗順祝降時喪爾其孜孜奉予一人恭行
天罰古人有言曰撫我則后虐我則讐獨夫
受洪惟作威乃汝世讐樹德務滋除惡務本
肆予小子誕以爾眾士殄殲乃讐爾眾士其
尚迪果毅以登乃辟功多有厚賞不迪有顯
戮嗚呼惟我文考若日月之照臨光于四方
顯于西土惟我有周誕受多方予克受非予
武惟朕文考無罪受克予非朕文考有罪惟
予小子無良

牧誓

昧冥明也昧與
將明未明之時也
斂斧也斂軍中指
麾遠也
臣次也卿之貳大
夫是也隨衆也卿
之屬士是也
羌驅羊反黃侯
反
稱舉也戰也此毗
至及于楯亦戰
之屬
索蕭宗也
陳國報也

時甲子昧爽王朝至于商郊牧野乃誓王左
杖黃鉞右秉白旄以麾曰逖矣西土之人王
曰嗟我友邦冢君御事司徒司馬司空亞旅
師氏千夫長百夫長及庸蜀羌髡微盧彭濮
人稱爾戈比爾干立爾矛予其誓王曰古人
有言曰牝雞無晨牝雞之晨惟家之索今商
王受惟婦言是用昏棄厥肆祀弗答昏棄厥
遺王父母弟不迪乃惟四方之多罪逋逃是

懲過也

勸也伐擊刺也

桓胡官反桓桓威武貌

迎也

一月建寅之月旁死魄死魄朔也二日故曰旁死魄

崇是長是信是使是以爲大夫卿士俾暴虐于百姓以姦宄于商邑今予發惟恭行天之罰今日之事不愆于六步七步乃止齊焉夫子勗哉不愆于四伐五伐六伐七伐乃止齊焉勗哉夫子尚桓桓如虎如貔如熊如羆于商郊弗迓克奔以役西土勗哉夫子爾所弗勗其于爾躬有戮

武成

惟一月壬辰旁死魄越翼日癸巳王朝步自

明也國始也哉生明月三日也

國速也

中魄望後也

周于征伐商厥四月哉生明王來自商至于豐乃偃武修文歸馬于華山之陽放牛于桃林之野示天下弗服丁未祀于周廟邦甸侯衛駿奔走執豆籩越三日庚戌柴望大告武成既生魄庶邦冢君暨百工受命于周王若曰嗚呼羣后惟先王建邦啓土公劉克篤前烈至于太王肇基王迹王季其勤王家我文考文王克成厥勳誕膺天命以撫方夏大邦畏其力小邦懷其德惟九年大統未集予小

底至也

改正音

國聚也

國從也

國直及友

子其承厥志底商之罪告于皇天后土所過
 名山大川曰惟有道曾孫周王發將有大正
 于商今商王受無道暴殄天物害虐烝民為
 天下逋逃主萃淵藪予小子既獲仁人敢祗
 承上帝以遏亂畧華夏蠻貊罔不率俾恭夫
 成命肆予東征綏厥士女惟其士女篚厥玄
 黃昭我周王天休震動用附我大邑周惟爾
 有神尚克相予以濟兆民無作神羞既戊午
 師渡孟津癸亥陳于商郊俟天休命甲子昧

國典也

國厚也

爽受率其旅若林會于牧野罔有敵于我師
 前徒倒戈攻于後以北血流漂杵一戎衣天
 下大定乃反商政政由舊釋箕子囚封比干
 墓式商容問散鹿臺之財發鉅橋之粟大賚
 于四海而萬姓悅服列爵惟五分土惟三建
 官惟賢位事惟能重民五教惟食喪祭惇信
 明義崇德報功垂拱而天下治

今考定武成

惟一月壬辰旁死魄越翼日癸巳王朝步自

周于征伐商底商之罪告于皇天后土所過
名山大川曰惟有道曾孫周王發將有大正
于商今商王受無道暴殄天物害虐烝民爲
天下逋逃主萃淵藪予小子既獲仁人敢祗
承上帝以遏亂略華夏蠻貊罔不率俾惟爾
有神尚克相予以濟兆民無作神羞既戊午
師逾孟津癸亥陳于商郊侯天休命甲子昧
爽受率其旅若林會于牧野罔有敵于我師
前徒倒戈攻于後以北血流漂杵一戎衣天

下大定乃反商政政由舊釋箕子囚封比于
墓式商容閭散鹿臺之財發鉅橋之粟大賚
于四海而萬姓悅服厥四月哉生明王來自
商至于豐乃偃武修文歸馬于華山之陽放
牛于桃林之野示天下弗服既生魄庶邦冢
君暨百工受命于周丁未祀于周廟邦甸侯
衛駿奔走執豆籩越三日庚戌柴望大告武
成王若曰嗚呼羣后惟先王建邦啓土公劉
克篤前烈至于太王肇基王迹王季其勤王

家我文考文王克成厥勳誕膺天命以撫方
夏大邦畏其力小邦懷其德惟九年大統未
集予小子其承厥志恭天成命肆予東征綏
厥士女惟其士女篚厥玄黃昭我周王天休
震動用附我大邑周列爵惟五分土惟三建
官惟賢位事惟能重民五教惟食喪祭惇信
明義崇德報功垂拱而天下治

洪範

惟十有二祀王訪于箕子王乃言曰嗚呼箕

初就而問之也

子惟天陰隲下民相協厥居我不知其彝倫

攸叙箕子乃言曰我聞在昔鯀陞洪水汨陳

其五行帝乃震怒不畀洪範九疇彝倫攸斁

鯀則殛死禹乃嗣興天乃錫禹洪範九疇彝

倫攸叙○初一日五行次二曰敬用五事次

三曰農用八政次四曰協用五紀次五曰建

用皇極次六曰乂用三德次七日明用稽疑

次八曰念用庶徵次九曰嚮用五福威用六

極○一五行二曰水三曰火四曰木五曰金

國職日反定也相
去聲協合國常倫
理也

國音因塞也國音
骨亂也陳列也

與與天乾去
類國音邪敗也

國屬也

國厚也

涉正前

圖於也作馬也

五曰土水曰潤下火曰炎上木曰曲直金曰
 從革土爰稼穡潤下作鹹炎上作苦曲直作
 酸從革作辛稼穡作甘○二五事一曰貌二
 曰言三曰視四曰聽五曰思貌曰恭言曰從
 視曰明聽曰聰思曰睿恭作肅從作乂明作
 哲聰作謀睿作聖○二八政一曰食二曰貨
 三曰祀四曰司空五曰司徒六曰司寇七曰
 賓八曰師○四五紀一曰歲二曰月三曰日
 四曰星辰五曰曆數○五皇極皇建其有極

圖君也

濟明邪廉也既德
私相比附也

斂時五福用敷錫厥庶民惟時厥庶民于汝
 極錫汝保極凡厥庶民無有淫朋人無有比
 德惟皇作極凡厥庶民有猷有為有守汝則
 念之不協于極不罹于咎皇則受之而康而
 色曰予攸好德汝則錫之福時人斯其惟皇
 之極無虐筭獨而畏高明人之有能有為使
 羞其行而邦其昌凡厥正人既富方穀汝弗
 能使其有好于而家時人斯其幸于其無好德
 汝雖錫之福其作汝用咎無偏無陂遵王之

圖達也正人在官
之人圖祿之也圖
善也

圖不中或不平也

又三

書經

黨不公也黨廣
速也(平)蕭眠反平
至不易也
反倍常也(側)不正
也(回)起語辭

言也
言上文敷衍之

曰民之辭

治也反順變印
也

義無有作好遵王之道無有作惡遵王之路
無偏無黨王道蕩蕩無黨無偏王道平平無
反無側王道正直會其有極歸其有極曰皇
極之敷言是訓是訓于帝其訓凡厥庶民極
之敷言是訓是行以近天子之光曰天子作
民父母以為天下王○六三德一曰正直二
曰剛克三曰柔克平康正直彊弗友剛克爰
友柔克沉潛剛克高明柔克惟辟作福惟辟
作威惟辟玉食臣無有作福作威玉食臣之

側不平也僻不公
也(側)喻也(德)惕德
反過也(稽)考也
錯有相勝之意貞
悔內卦為貞外卦
為悔(悔)推國過也

有作福作威玉食其害于而家凶于而國人
用側頗僻民用僭忒○七稽疑擇建立卜筮
人乃命卜筮曰用曰霽曰蒙曰驛曰克曰貞
曰悔凡七卜五占用一衍忒立時人作卜筮
三人占則從二人之言汝則有大疑謀及乃
心謀及卿士謀及庶人謀及卜筮汝則從龜
從筮從卿士從庶民從是之謂大同身其康
彊子孫其逢吉汝則從龜從筮從卿士逆庶
民逆吉卿士從龜從筮從汝則逆庶民逆吉

龜也

備無缺少也

叙應節侯也備豐茂極滿過多也極無過少也

旺安備差也

急急追擊味也

固悉井反

庶民從龜從筮從汝則逆卿士逆吉汝則從龜從筮逆卿士逆庶民逆作內吉作外凶龜筮共違于人用靜吉用作凶○八庶徵曰雨曰暘曰燠曰寒曰風曰時五者來備各以其叙庶草蕃廡一極備凶一極無凶曰休徵曰肅時雨若曰暘時暘若曰哲時燠若曰謀時寒若曰聖時風若曰咎徵曰狂恒雨若曰僭恒暘若曰豫恒燠若曰急恒寒若曰蒙恒風若曰王省惟歲卿士惟月師尹惟日歲月日時無易百穀用成乂用明俊民用章家用平康日月歲時既易百穀用不成乂用昏不明俊民用微家用不寧庶民惟星星有好風星有好雨日月之行則有冬有夏月之從星則以風雨○九五福一曰壽二曰富三曰康寧四曰攸好德五曰考終命六極一曰凶短折二曰疾三曰憂四曰貧五曰惡六曰弱

旅獒

惟克商遂通道于九夷八蠻西旅底貢厥獒

凶不得其死也短折橫天也

鬻牛刀反犬知人心可使者

西旅西方蠻夷國名

改正音

太保召公奭

物方物方土所生之物

昭示也

靈子忍反

真正也

太保乃作旅獒用訓于王曰嗚呼明王慎德
 四夷咸賓無有遠邇畢獻方物惟服食器用
 王乃昭德之致于異姓之邦無替厥服分寶
 玉于伯叔之國時庸展親人不易物惟德其
 物德盛不狎侮狎侮君子罔以盡人心狎侮
 小人罔以盡其力不役耳目自度惟貞玩人
 喪德玩物喪志志以道寧言以道接不作無
 益害有益功乃成不貴異物賤用物民乃足
 犬馬非其土性不畜珍禽奇獸不育于國不

國猶言萬一也務
矜持之矜

徒登反

二公太公召公也

穆敬而有和意穆
上猶言共一也
憂惱之意

類
如今祝版之

不子元子也

寶遠物則遠人格所寶惟賢則邇人安嗚呼
 夙夜罔或不勤不矜細行終累大德為山九
 仞功虧一簣允迪茲生民保厥居惟乃世王

金縢

既克商二年王有疾弗豫二公曰我其為王
 穆卜周公曰未可以戚我先王公乃自以為
 功為二壇同墀為壇於南方北面周公立焉
 植璧秉珪乃告太王王季文王史乃冊祝曰
 惟爾元孫某遘厲虐疾若爾三王是有不子

文三書

書經下

十一

即就也

屈藏也圖重也

圖藏上書之圖金勝以金藏之也愈也

圖子成王也辭讀為避

圖讀也

之責于天以且代其之身予仁若考能多祿
 多藝能事鬼神乃元孫不若日多材多藝不
 能事鬼神乃命于帝庭敷佑四方用能定爾
 子孫于下地四方之民罔不祗畏嗚呼無墜
 天之降寶命我先王亦未有依歸今我即命
 于元龜爾之許我我其以璧與珪歸俟爾命
 爾不許我我乃屏璧與珪乃卜三龜一習吉
 啓籒見書乃并是吉公曰體王其罔害予小
 子新命于三王惟永終是圖茲攸俟能念予

一人公歸乃納刑于金勝之匱中王翼日乃
 瘳○武王既喪管叔及其羣弟乃流言於國
 曰公將不利於孺子周公乃告二公曰我之
 弗辟我無以告我先王周公居東二年則罪
 人斯得于後公乃為詩以貽王名之曰鴟鴞
 王亦未敢誚公○秋大熟未獲天大雷電以
 風禾盡偃大木斯拔邦人大恐王與大夫盡
 弁以啓金勝之書乃得周公所自以為功代
 武王之說二公及王乃問諸史與百執事對

斷當作親

日信噫公命我勿敢言王執書以泣日其勿
穆卜昔公勤勞王家惟予冲人弗及知今天
動威以彰周公之德惟朕小子其新逆我國
家禮亦宜之王出郊天乃雨反風禾則盡起
二公命邦人凡大木所偃盡起而築之歲則
大熟

大誥

王若曰猷大誥爾多邦越爾御事弗弔天降
割于我家不少延洪惟我幼冲人嗣無疆大

國發語辭猶虞書
咨嗟之例用恤也

已承上語辭已而
有不能已之意敷
布實飾也

寧王武王也以其
克殷以安天下也

蠢動而無知之貌
映他典反厚也

誕大叙緒也疵才
支反病也

手往也敷音毋撫
也國繼也天事也
事休美也
肆故也

歷服弗造哲迪民康矧日其有能格知天命
已予惟小子若涉淵水予惟往求朕攸濟敷
賁敷前人受命茲不忘大功予不敢閉于天
降威用寧王遺我大寶龜紹天明即命日有
大艱于西土西土人亦不靜越茲蠢殷小腆
誕敢紀其叙天降威知我國有疵民不康日
予復反鄙我周邦今蠢今翼日民獻有十夫
予翼以于救寧武圖功我有大事休朕上并
吉肆予告我友邦君越尹氏庶士御事日予

害易也

造為也

印五剛反我也

因音秘勞也

得吉卜予惟以爾庶邦于伐殷逋播臣爾庶
 邦君越庶士御事罔不反曰報大民不靜亦
 惟在王宮邦君室越予小子考翼不可征王
 害不違卜肆予冲人末思艱曰嗚呼允蠢鯨
 寡哀哉予造天役遺大投艱于朕身越予冲
 人不印自恤義爾邦君越爾多士尹氏御事
 綏予曰無怙于恤不可不成乃寧考圖功已
 予惟小子不敢替上帝命天休于寧王興我
 小邦周寧王惟上用克綏受茲命今天其相

省悉井反

闕者否明而不通
愆者艱難而不易

樂輔也

前日也

考翼父敬事者

民矧亦惟上用嗚呼天明畏弼我不丕基王
 曰爾惟舊人爾丕克遠省爾知寧王若勤哉
 天閱愆我成功所予不敢不極卒寧王圖事
 肆予大化誘我友邦君天棐忱辭其考我民
 予曷其不于前寧人圖功攸終天亦惟用勤
 愆我民若有疾予曷敢不于前寧人攸受休
 畢王曰若昔朕其逝朕言艱日思若考作室
 既底法厥子乃弗肯堂矧肯構厥父菑厥子
 乃弗肯播矧肯穫厥考翼其肯曰予有後弗

民養未詳肆放也
欲其舒放而不畏
縮也
爽明也

棄其肆予曷敢不越印救寧王大命若兄考
乃有友伐厥子民養其勸弗救王曰嗚呼肆
哉爾庶邦君越爾御事爽邦由哲亦惟十人
迪知上帝命越天棐忱爾時罔敢易法矧今
天降戾于周邦惟大艱人誕鄰胥伐于厥室
爾亦不知天命不易予末念曰天惟喪殷若
穡夫予曷敢不終朕畝天亦惟休于前寧人
予曷其極上敢弗于從率寧人有指疆土矧
今卜并吉肆朕誕以爾東征天命不僭上陳
惟若茲

微子之命

王若曰猷殷王元子惟稽古崇德象賢統承
先王修其禮物作賓于王家與國咸休末世
無窮嗚呼乃祖成湯克齊聖廣淵皇天眷佑
誕受厥命撫民以寬除其邪虐功加于時德
垂後裔爾惟踐修厥猷舊有令聞恪慎克孝
肅恭神人予嘉乃德曰篤不忘上帝時歆下
民祗協庸建爾于上公尹茲東夏欽哉往敷

元子長子也

禮典禮物文物也

國大也

國道也隆敬也

國譽圖用也

國治也

正言

輔國法也

音亦厥也

乃訓慎乃服命率由典常以蕃王室弘乃烈
祖律乃有民末綏厥位毗予一人世世享德
萬邦作式俾我有周無斃嗚呼往哉惟休無
替朕命

康誥

哉生魄十六日也

見音現

孟長也言為諸侯之長也對康叔名

惟三月哉生魄周公初基作新大邑于東國
洛四方民大和會侯甸男邦采衛百工播民
和見士于周周公咸勤乃洪大誥治王若曰
孟侯朕其弟小子封惟乃丕顯考文王克明

備用也

圖畫計反

圖音聿述也圖服也

固行也固廓而大之也

德慎罰不敢侮鰥寡庸庸祗祗威威顯民用
肇造我區夏越我一二邦以修我西土惟時
怙冒聞于上帝帝休天乃大命文王殪戎殷
誕受厥命越厥邦厥民惟時叙乃寡兄勗肆
汝小子封在茲東土王曰嗚呼封汝念哉今
民將在祗通乃文考紹聞衣德言往敷求于
殷先哲王用保乂民汝丕遠惟商裔成人宅
心知訓別求聞由古先哲王用康保民弘于
天若德裕乃身不廢在王命王曰嗚呼小子

天顯猶孝經所謂
天明尊卑顯然之
序也
圍音的

憂訖黜及法也言
民之不率教者固
可大實之法也

愍矧惟不孝不友子弗祗服厥父事大傷厥
考心于父不能字厥子乃疾厥子于弟弗念
天顯乃弗克恭厥兄兄亦不念鞠子哀大不
友于弟惟弔茲不于我政人得罪天惟與我
民彝大泯亂曰乃其速由文王作罰刑茲無
赦不率大曼矧惟外庶子訓人惟厥正人越
小臣諸節乃別播敷造民大譽弗念弗庸瘝
厥君時乃引惡惟朕憇已汝乃其速由茲義
率殺亦惟君惟長不能厥家人越厥小臣外

正惟威惟虐大放王命乃非德用又汝亦罔
不克敬典乃由裕民惟文王之敬忌乃裕民
曰我惟有及則予一人以懌王曰封爽惟民
迪吉康我時其惟殷先哲王德用康又民作
求矧今民罔迪不適不迪則罔政在厥邦王
曰封予惟不可不監告汝德之說于罰之行
今惟民不靜未戾厥心迪屢未同爽惟天其
罰殛我我其不怨惟厥罪無在大亦無在多
矧曰其尚顯聞于天王曰嗚呼封敬哉無作

罔事也

罔止也

圖未詳

怨勿用非謀非彜蔽時忱不則敏德用康乃
心顧乃德遠乃猷裕乃以民寧不汝瑕玆王
日嗚呼肆汝小子封惟命不干常汝念哉無
我殄享明乃服命高乃聽用康又民王若曰
往哉封勿替敬典聽朕告汝乃以殷民世享

酒誥

王若曰明大命于妹邦乃穆考文王肇國在
西土厥誥茲庶邦庶士越少正御事朝夕曰
祀茲酒惟天降命肇我民惟元祀天降威我

穆敬也或曰文王
世次為穆
圖戒謹也少正官
之副貳也

有正有官守者有
事有職事者
無母同常也

民用大亂喪德亦罔非酒惟行越小大邦用
喪亦罔非酒惟辜文王誥教小子有正有事
無彜酒越庶國飲惟祀德將無醉惟曰我民
迪小子惟土物愛厥心臧聰聽祖考之彜訓
越小大德小子惟一妹土嗣爾股肱純其藝
黍稷奔走事厥考厥長肇牽車牛遠服賈用
孝養厥父母厥父母慶自洗腆致用酒庶士
有正越庶伯君子其爾典聽朕教爾大克羞
者惟君爾乃飲食醉飽不惟曰爾克未觀省

圖續純天也
圖敏也圖事也賈
音古
養去聲洗燕典反
致其深也圖他典
反致其厚也
與常也圖養也
惟君未詳

亦助也用通用以
實樂也

徂也輔佐文王
往也邦君御事
小子也

作稽中德爾尚克羞饋祀爾乃自介用逸茲
乃允惟王正事之臣茲亦惟天若元德未不
忘在王家王曰封我西土棗徂邦君御事小
子尚克用文王教不腆于酒故我至于今克
受殷之命王曰封我聞惟曰在昔殷先哲王
迪畏天顯小民經德秉哲自成湯咸至于帝
乙成王畏相惟御事厥棗有恭不敢自暇自
逸矧曰其敢崇飲越在外服侯甸男衛邦伯
越在內服百僚庶尹惟亞惟服宗工越百姓

應安也圖方反
痛也
圖下墜反

里居罔敢湏于酒不惟不敢亦不暇惟助成
王德顯越尹人祗辟我聞亦惟曰在今後嗣
王酣身厥命罔顯于民祗保越怨不易誕惟
厥縱淫泆于非彝用燕喪威儀民罔不盡傷
心惟荒腆于酒不惟自息乃逸厥心疾很不
克畏死辜在商邑越殷國滅無罹弗惟德馨
香祀登聞于天誕惟民怨庶羣自酒腥聞在
上故天降喪于殷罔愛于殷惟逸天非虐惟
民自速辜王曰封予不惟若茲多誥古人有

文三十一

書經

卷一

勗丘八反用力也

服休坐而論道之
臣服起而作事
之臣切與畿同所
父政官司馬也農
父教官司徒也
父事官司空也
失也

固者不忘之也斷
此也指教辭而言
享上享下之享

也 治也乃同有司

固常也師師以官
師為師也

正官之長厥業
大夫也敬勞恭敬
勞來也
固往也歷人罪人
所過律所謂知情
藏匿資給也
汝若以下至戕賊
人省文多未詳監
三監之監

言曰人無於水監當於民監今惟殷墜厥命
我其可不_三大監撫于時予惟曰汝劓茲殷獻
臣侯甸男衛矧太史友內史友越獻臣百宗
工矧惟爾事服休服采矧惟若疇圻父薄違
農父若保宏父定辟矧汝剛制于酒厥或誥
曰羣飲汝勿佚盡執拘以歸于周予其殺又
惟殷之迪諸臣惟工乃酒于酒勿庸殺之姑
惟教之有斯明享乃不用我教辭惟我一人
弗恤弗繩乃事時同于殺王曰封汝典聽朕
恣勿辯乃司民酒于酒

梓材

王曰封以厥庶民暨厥臣達大家以厥臣達
王惟邦君汝若恒越曰我有師師司徒司馬
司空尹旅曰予罔厲殺人亦厥君先敬勞肆
徂厥敬勞肆往茲宄殺人歷人宥肆亦見厥
君事戕敗人宥王啓監厥亂為民曰無胥戕
無胥虐至于敬實至于屬婦合由以容王其
效邦君越御事厥命曷以引養引恬自古王

醫治也敷廣去
草棘也

也通水渠
也奇友堅
泥飾也蓋也
良材可為器者
塵郭反采邑之名

也也音協近

方來方方而來也
式用也典舊典也
和輯也
及也肆今也

已語辭監視也

既望十六日也

越若來語辭言召
公於豐進遞而來
也

也敷尾反月出也
三日明生之名

庶殷殷之衆庶也

若茲監罔攸辟惟曰若稽田既勤敷蓄惟其
陳修為厥疆畎若作室家既勤垣墉惟其塗
墍茨若作梓材既勤樸斲惟其塗丹雘今王
惟曰先王既勤用明德懷為夾庶邦享作兄
弟方來亦既用明德后式典集庶邦丕享皇
天既付中國民越厥疆土于先王肆王惟德
用和懌先後迷民用懌先王受命已若茲監
惟曰欲至于萬年惟王王子子孫孫永保民

召誥

惟二月既望越六日乙未王朝步自周則至
于豐惟太保先周公相宅越若來三月惟丙
午朏越三日戊申太保朝至于洛卜宅厥既
得卜則經營越三日庚戌太保乃以庶殷攻
位于洛汭越五日甲寅位成若翼日乙卯周
公朝至于洛則達觀于新邑營越三日丁巳
用牲于郊牛二越翼日戊午乃社于新邑牛
一羊一豕一越七日甲子周公乃朝用書命
庶殷侯甸男邦伯厥既命殷庶庶殷丕作太

馬何也其語辭

面鄉也

保乃以庶邦冢君出取幣乃復入錫周公曰
 拜手稽首旅王若公誥告庶殷越自乃御事
 嗚呼皇天上帝改厥元子茲大國殷之命惟
 王受命無疆惟休亦無疆惟恤嗚呼曷其奈
 何弗敬天既遐終大邦殷之命茲殷多先哲
 王在天越厥後王後民茲服厥命厥終智藏
 瘝在夫知保抱攜持厥婦子以哀籲天祖厥
 亡出執嗚呼天亦哀于四方民其眷命用懋
 王其疾敬德相古先民有夏天迪從子保面
 稽天若今時既墜厥命今相有殷天迪格保
 面稽天若今時既墜厥命今冲子嗣則無遺
 壽考曰其稽我古人之德矧曰其有能稽謀
 自天嗚呼有王雖小元子哉其不能誠于小
 民今休王不敢後用顧畏于民若王來紹上
 帝自服于土中旦曰其作大邑其自時配皇
 天茲祀于上下其自時中又王厥有成命治
 民今休王先服殷御事比介于我有周御事
 節性惟日其邁王敬作所不可不敬德我不

和也

魚緘及險也

王中洛邑天地之中故謂之土中

文三奇訓

書經下

二十四

可不監于有夏亦不可不監于有殷我不敢
知曰有夏服天命惟有歷年我不敢知曰不
其延惟不敬厥德乃早墜厥命我不敢知曰
有殷受天命惟有歷年我不敢知曰不其延
惟不敬厥德乃早墜厥命今王嗣受厥命我
亦惟茲二國命嗣若功王乃初服嗚呼若生
子罔不在厥初生自貽哲命今天其命哲命
吉凶命歷年知今我初服宅新邑肆惟王其
疾敬德王其德之用祈天永命其惟王勿以

元首也

民殷之頑民友
民周之友順之民

未終也

復如復逆之復

小民淫用非彝亦敢殄戮用人民若有功其
惟王位在德元小民乃惟刑用于天下越王
顯上下勤恤其曰我受天命丕若有夏歷年
式勿替有殷歷年欲王以小民受天末命拜
手稽首曰予小臣敢以王之讐言民百君子越
友民保受王威命明德王末有成命王亦顯
我非敢勤惟恭奉幣用供王能祈天永命

洛誥

周公拜手稽首曰朕復子明辟王如弗敢及

保太保

洛師猶言京師也

音廛食史先定墨而灼龜之兆正食其墨也

配也

視示也

貞猶當也

殷盛也

功宗功之尊顯者也

功載記功之載籍也明比也

天基命定命予乃胤保大相東土其基作民
 明辟予惟乙卯朝至于洛師我卜河朔黎水
 我乃卜澗水東瀍水西惟洛食我又卜瀍水
 東亦惟洛食俘來以圖及獻卜王拜手稽首
 曰公不敢不敬天之休來相宅其作周匹休
 公既定宅俘來來視予卜休恒吉我二人共
 貞公其以予萬億年敬天之休拜手稽首誨
 言周公曰王肇稱殷禮祀于新邑咸秩無文
 予齊百工俘從王于周予惟曰庶有事今王

即命日記功宗以功作元祀惟命曰汝受命
 篤弼不視功載乃汝其悉自教工孺子其朋
 孺子其朋其往無若火始燄燄厥攸灼叙弗
 其絕厥若彝及撫事如予惟以在周工往新
 邑俘嚮即有僚明作有功惇大成裕汝未有
 辭公曰已汝惟冲子惟終汝其敬識百辟享
 亦識其有不享享多儀儀不及物惟曰不享
 惟不役志于享凡民惟曰不享惟事其爽侮
 乃惟孺子頌朕不暇聽朕教汝于棗民彝汝

魯謨即反正父武王也猶今稱先正

因至也

將大也

旁無方所也

穆穆和敬也

治也

將大也

定止也

歲漢書兩引之以哉作我

典與章也殷獻民殷之賢者也

多子象卿大夫也

師衆也信也考成也刑儀刑也單

乃是不獲乃時惟不來哉篤叙乃正父罔不

若予不敢廢乃命汝往敬哉茲予其明農哉

彼裕我民無遠用戾王若曰公明保予冲子

公稱不顯德以予小子揚文武烈奉答天命

和恒四方民居師惇宗將禮稱秩元祀咸秩

無文惟公德明光于上下勤施于四方旁作

穆穆迓衡不迷文武勤教予冲子夙夜恭祀

王曰公功斐迪篤罔不若時王曰公予小子

其退即辟于周命公後四方迪亂未定于宗

禮亦未克救公功迪將其後監我士師丁誕

保文武受民亂為四輔王曰公定予往已公

功肅將祇歡公無困哉我惟無斃其康寧公

勿替刑四方其世享周公拜手稽首曰王命

予來承保乃文祖受命民越乃光烈考武王

弘朕恭孺子來相宅其大惇典殷獻民亂為

四方新辟作周恭先曰其自時中又萬邦咸

休惟王有成績予且以多子越御辜為前人

成烈答其師作周孚先考朕昭子刑乃單文

相白許反黑黍也
也五亮反鬱金草也
也音由中尊也
明潔音因敬也
宿與顧命三宿之
宿同進爵也
禮祭名
於豔反
國聽受也
教條
次第也

逸史佚也王賓猶
虞賓祀宋之屬
古古玩及灌也

祖德伴來怙殷乃命寧予以拒魯二旨曰明
禋拜手稽首休享予不敢宿則禋于文王武
王惠篤叙無有違自疾萬年厭于乃德殷乃
引考王伴殷乃承叙萬年其末觀朕子懷德
戊辰王在新邑烝祭歲文王駢牛一武王駢
牛一王命作冊逸祝冊惟告周公其後王賓
殺禋咸格王入太室裸王命周公後作冊逸
誥在十有二月惟周公誕保文武受命惟七
年

多士

弗弗未詳意其為
歎憫之辭

惟三月周公初于新邑洛用告商王士王若
曰爾殷遺多士弗弔旻天大降喪于殷我有
周佑命將天明威致王罰勅殷命終于帝肆
爾多士非我小國敢弋殷命惟天不畀允罔
固亂弼我我其敢求位惟帝不畀惟我下民
秉為惟天明畏我聞曰上帝引逸有夏不適
逸則惟帝降格嚮于時夏弗克庸帝大淫洪
有辭惟時天罔念聞厥惟廢元命降致罰乃

取也

命爾先祖成湯革夏後民甸四方自成湯至
 于帝乙罔不明德恤祀亦惟天不建保乂有
 殷殷王亦罔敢失帝罔不配天其澤在今後
 嗣王誕罔顯于天矧曰其有聽念于先王勤
 家誕淫厥洗罔顧于天顯民祗惟時上帝不
 保降若茲大喪惟天不畀不明厥德凡四方
 小大邦喪罔非有辭于罰王若曰爾殷多士
 今惟我周王丕靈承帝事有命曰割殷告勅
 于帝惟我事不貳適惟爾王家我適予其曰

惟爾洪無度我不爾勅自乃邑予亦念天卽
 于殷大戾肆不正王曰猷告爾多士予惟時
 其遷居西爾非我一人奉德不康寧時惟天
 命無違朕不敢有後無我怨惟爾知惟殷先
 人有册有典殷革夏命今爾其曰夏迪簡在
 王庭有服在百僚予一人惟聽用德肆予敢
 求爾于夫邑商予惟率肆矜爾非予罪時惟
 天命王曰多士昔朕來自奄予大降爾四國
 民命我乃明致天罰移爾遐逝比事臣我宗

改正音言

幹事也止居也

多遜王曰告爾殷多士。今予惟不爾殺。予惟時命有申。今朕作大邑于茲洛。予惟四方罔攸賓。亦惟爾多士攸服。奔走臣我多遜。爾乃尚有爾土。爾乃尚寧幹止。爾克敬天。惟界矜爾。爾不克敬。爾不啻不有爾土。予亦致天之罰于爾。躬今爾惟時宅爾邑。繼爾居爾厥。有幹有年于茲洛。爾小子乃興從爾。遷王曰。又曰。時予乃或言爾攸居。

無逸

周公曰。嗚呼。君子所其無逸。先知稼穡之艱難。乃逸。則知小人之依。相小人。厥父母勸勞稼穡。厥子乃不知稼穡之艱難。乃逸。乃諺既誕。否則侮厥父母。曰。昔之人無聞。知周公曰。嗚呼。我聞曰。昔在殷王中宗。嚴恭寅畏天命。自度治民。祇懼不敢荒寧。肆中宗之享國七十有五年。其在高宗時。舊勞于外。爰暨小人。作其卽位。乃或亮陰。二年不言。其惟不言。言乃雍。不敢荒寧。嘉靖殷邦。至于小大無時。或

亮音梁音卷

雍和也

文正音訓

書經下

三十

怨肆高宗之享國五十有九年其在祖甲不
義惟王舊為小人作其即位爰知小人之依
能保惠于庶民不敢侮鰥寡肆祖甲之享國
三十有二年自時厥後立王生則逸生則逸
不知稼穡之艱難不聞小人之勞惟耽樂之
從自時厥後亦罔或克壽或十年或七八年
或五六年或四三年周公曰嗚呼厥亦惟我
周太王王季克自抑畏文王甲服即康功田
功徽柔懿恭懷保小民惠鮮鰥寡自朝至于

康功安民之功田
功養民之功
徽懿皆美也

則法也

日中昃不遑暇食用咸和萬民文王不敢盤
于遊田以庶邦惟正之供文王受命惟中身
厥享國五十年周公曰嗚呼繼自今嗣王則
其無淫于觀于逸于遊于田以萬民惟正之
供無皇曰今日耽樂乃非民攸訓非天攸若
時人不則有愆無若殷王受之迷亂酗于酒
德哉周公曰嗚呼我聞曰古之人猶胥訓告
胥保惠胥教誨民無或胥譴張為幻此厥不
聽人乃訓之乃變亂先王之正刑至于小大

無與毋通皇與進
通訓法若順則法
也

胥相訓誡順也

張流反誑也張
誕也幻音患變名
易實以眩觀者曰
幻

臣正立言
香俯久及國壯助
反音元

通鑑音也

尺約反大也

圖聚也

民否則厥心違怨否則厥口詛祝周公曰嗚呼自殷王中宗及高宗及祖甲及我周文王茲四人迪哲厥愆或告之曰小人怨汝詈汝則皇自敬德厥愆曰朕之愆允若時不啻不敢含怒此厥不聽人乃或譸張為幻曰小人怨汝詈汝則信之則若時不末念厥辟不寬綽厥心亂罰無罪殺無辜怨有同是叢于厥身周公曰嗚呼嗣王其監于茲

君奭

周公若曰君奭弗弔天降喪于殷殷既墜厥命我有周既受我不敢知曰厥基未孚于休若天棗忱我亦不敢知曰其終出于不祥嗚呼君已曰時我我亦不敢寧于上帝命弗末遠念天威越我民罔尤違惟人在我後嗣子孫大弗克恭上下遏佚前人光在家不知天命不易天難謀乃其墜命弗克經歷嗣前人恭明德在今予小子且非克有正迪惟前人光施于我冲子又曰天不可信我道惟寧王

謹時王反

文三奇川

書經下

三十一

德延天不庸釋于文王受命。公曰：君與我聞在昔成湯既受命，時則有若伊尹格于皇天。在太甲時，則有若保衡。在太戊時，則有若伊陟、臣扈格于上帝。成王時，則有若伊、雋、保、有若巫賢。在武丁時，則有若甘盤、率惟茲有陳。保又有殷，故殷禮陟配天，多歷年所。天惟純佑命，則商實百姓。王人罔不秉德明恤，小臣屏侯、甸、矧、咸奔走，惟茲惟德，稱用又厥辟。故一人有事于四方，若卜筮罔不是孚。公曰：

陟升遐也

甲重動也

君與天壽，平格保乂，有殷有殷，嗣天滅威。今汝末念，則有固命。厥亂明，我新造邦。公曰：君與在昔，上帝割申勸寧王之德，其集大命于厥躬。惟文王尚克修和，我有夏亦惟有若統。叔有若閔，大有若散，宜生有若泰，顛有若南。官括又曰：無能往來，茲迪彝教。文王茂德降于國人，亦惟純佑。秉德迪知天威，乃惟時昭。文王迪見冒聞于上帝，惟時受有殷命哉。武王惟茲四人尚迪有祿，後暨武王誕將天威。

國莫結反無也

劉殺也軍盡也

咸劉厥敵惟茲四人昭武王惟冒丕單稱德
今在予小子且若游大川予往暨汝奭其濟
小子同未_レ在位誕無我責收罔勗不及考造
德不降我則鳴鳥不聞矧曰其有能格公曰
嗚呼君肆其監于茲我受命無疆惟休亦大
惟艱告君乃猷裕我不以後人迷公曰前人
敷乃心乃悉命汝作汝民極曰汝明勗偶王
在亶乘茲大命惟文王德丕承無疆之恤公
曰君告汝朕允保奭其汝克敬以予監于殷

肆太也

亂也 部部反天百大

喪大否肆念我天威予不允惟若茲諾予惟
曰襄我二人汝有合哉言曰在時二人天休
滋至惟時二人弗戢其汝克敬德明我俊民
在讓後人于不時嗚呼篤棗時二人我式克
至于今日休我咸成文王功于不怠不冒海
隅出日罔不率俾公曰君予不惠若茲多諾
予惟用閔于天越民公曰嗚呼君惟乃知民
德亦罔不能厥初惟其終祗若茲往敬用治

戲勝也戲堪古通

蔡仲之命

文三十四

書經下

三十四

惟周公位冢宰正百工羣叔流言乃致辟管
叔于商囚蔡叔于郭鄰以車七乘降霍叔于
庶人三年不齒蔡仲克庸祗德周公以為卿
士叔卒乃命諸王邦之蔡王若曰小子胡惟
爾率德改行克慎厥猷肆予命爾侯于東土
往卽乃封敬哉爾尚蓋前人之愆惟忠惟孝
爾乃邁迹自身克勤無怠以垂憲乃後率乃
祖文王之彝訓無若爾考之違王命皇天無
親惟德是輔民心無常惟惠之懷為善不同

同歸于治為惡不同同歸于亂爾其戒哉慎
厥初惟厥終終以不困不惟厥終終以困窮
懋乃攸績睦乃四鄰以蕃王室以和兄弟康
濟小民率自中無作聰明亂舊章詳乃視聽
罔以側言改厥度則予一人汝嘉王曰嗚呼
小子胡汝徃哉無荒棄朕命

多方

惟五月丁亥王來自奄至于宗周周公曰王
若曰猷告爾四國多方惟爾殷侯尹民我惟

陸循也無母同

側言一偏之言也

無與母通

圖勉也通啓迪也

甲始也

反 切他刀反價陟利

大降爾命爾罔不知洪惟圖天之命弗末寅
 念于祀惟帝降格于夏有夏誕厥逸不肯感
 言于民乃大淫昏不克終日勸于帝之迪乃
 爾攸聞厥圖帝之命不克開于民之麗乃大
 降罰崇亂有夏因甲于內亂不克靈承于旅
 罔丕惟進之恭洪舒于民亦惟有夏之民叨
 懣日欽劓割夏邑天惟時求民主乃大降顯
 休命于成湯刑殄有夏惟天不畀純乃惟以
 爾多方之義民不克求于多享惟夏之恭多

簡擇也

士大不克明保享于民乃胥惟虐于民至于
 百為大不克開乃惟成湯克以爾多方簡代
 夏作民主慎厥麗乃勸厥民刑用勸以至于
 帝乙罔不明德慎罰亦克用勸要囚殄戮多
 罪亦克用勸開釋無辜亦克用勸今至于爾
 辟弗克以爾多方享天之命嗚呼王若曰誥
 告爾多方非天庸釋有夏非天庸釋有殷乃
 惟爾辟以爾多方大淫圖天之命胥有辭乃
 惟有夏圖厥政不集于享天降時喪有邦間

之乃惟爾商後王逸厥逸圖厥政不蠲烝天
惟降時喪惟聖罔念作狂惟狂克念作聖天
惟五年須臾之子孫誕作民主罔可念聽天
惟求爾多方大動以威開厥顧天惟爾多方
罔堪顧之惟我周王靈承于旅克堪用德惟
典神天天惟式教我用休簡畀殷命尹爾多
方今我曷敢多誥我惟大降爾四國民命爾
曷不忱裕之于爾多方爾曷不夾介乂我周
王享天之命今爾尚宅爾宅畋爾田爾曷不

興王民用也

惠王熙天之命爾乃迪屢不靜爾心未愛爾
乃不大宅天命爾乃屑播天命爾乃自作不
典圖忱于正我惟時其教告之我惟時其戰
要囚之至于再至于三乃有不用我降爾命
我乃其大罰殛之非我有周秉德不康寧乃
惟爾自速辜王曰嗚呼猷告爾有方多士暨
殷多士今爾奔走臣我監五祀越惟有胥伯
小大多正爾罔不克臬自作不和爾惟和哉
爾室不睦爾惟和哉爾邑克明爾惟克勤乃

監監洛邑之遷民者也
國事也

貌區長也錫錫和敬

事爾尚不忌于凶德亦則以穆穆在乃位克
閱于乃邑謀介爾乃自時洛邑尚求力畋爾
田天惟畀矜爾我有周惟其大介賚爾迪簡
在王庭尚爾事有服在大僚王曰嗚呼多士
爾不克勸忱我命爾亦則惟不克享凡民惟
曰不享爾乃惟逸惟頗大遠王命則惟爾多
方探天之威我則致天之罰離逖爾土王曰
我不惟多誥我惟祇告爾命又曰時惟爾初
不克敬于和則無我怨

立政

周公若曰拜手稽首告嗣天子王矣用咸戒
于王曰王左右常伯常任准人綴衣虎賁周
公曰嗚呼休茲知恤鮮哉古之人迪惟有夏
乃有室大競顛俊尊上帝迪知忱恂于九德
之行乃敢告教厥后曰拜手稽首后矣曰宅
乃事宅乃牧宅乃準茲惟后矣謀面用丕訓
德則乃宅人茲乃三宅無義民桀德惟乃弗
作往任是惟暴德罔後亦越成湯陟丕釐上

綴朱衛丁劣二反
賈音奔

恂音荀

女三子

書經

卷八

歐光也

惟思法也

蓋刑進任刑戮者也
庶習備諸衆醜者也

甸者并牧其地什伍其民也

帝之耿命乃用三有宅克卽宅曰三有俊克
卽俊嚴惟丕式克用三宅三俊其在商邑用
協于厥邑其在四方用丕式見德嗚呼其在
受德譬惟羞刑暴德之人同于厥邦乃惟庶
習逸德之人同于厥政帝欽罰之乃俾我有
夏式商受命奄旬萬姓亦越文王武王克知
三有宅心灼見三有俊心以敬事上帝立民
長伯立政任人準夫牧作三事虎賁綴衣趣
馬小尹左右攜僕百司庶府大都小伯藝人

庶衆也

率道也歐功安天下之功

表臣百司太史尹伯庶常吉士司徒司馬司
空亞旅夷微盧烝二亳阪尹文王惟克厥宅
心乃克立茲常事司牧人以克俊有德文王
罔攸兼于庶言庶獄庶慎惟有司之牧夫是
訓用違庶獄庶慎文王罔敢知于茲亦越武
王率惟救功不敢替厥義德率惟謀從容德
以並受此丕丕基嗚呼孺子王矣繼自今我
其立政立事準人牧夫我其克灼知厥若丕
乃俾亂相我受民和我庶獄庶慎時則勿有

卷之三十一

書經

三十九

聞之自一話一言。我則未惟成德之彥。以又
我受民嗚呼。予且已受人之微言。咸告孺子
王矣。繼自今。文子文孫。其勿誤于庶獄庶慎。
惟正是又之。自古商人亦越我周文王立政。
立事。牧夫準人。則克宅之。克由繹之。茲乃俾
又國。則罔有立政。用儉人不訓于德。是罔顯
在厥世。繼自今立政。其勿以儉人。其惟吉士。
用勸相我國家。今文子文孫。孺子王矣。其勿
誤于庶獄。惟有司之牧夫。其克詰爾戎兵。以

勸音邁勉也

詰治也

觀見也

陟禹之迹。方行天下。至于海表。罔有不服。以
觀文王之耿光。以揚武王之太烈。嗚呼。繼自
今後。王立政。其惟克用常人。周公若曰。太史
司寇蘇公式敬爾由獄。以長我王國。茲式有
慎。以列用中罰。

周官

惟周王撫萬邦。巡侯甸。四征弗庭。綏厥兆民。
六服羣辟。罔不承德。歸于宗周。董正治官。王
曰。若昔大猷。制治于未亂。保邦于未危。曰唐

庭直也

董督也

援訓也

虞稽古建官惟百。內有百揆。四岳。外有州牧。侯伯。庶政惟和。萬國咸寧。夏商官倍。亦克用。乂明王立政。不惟其官。惟其人。今予小子。祗勤于德。夙夜不逮。仰惟前代。時若訓迪。厥官立太師。太傅。太保。茲惟三公。論道經邦。燮理陰陽。官不必備。惟其人。少師。少傅。少保。曰三孤。貳公。弘化寅亮。天地弼予。一人冢宰。掌邦治。統百官。均四海。司徒。掌邦教。敷五典。擾兆民。宗伯。掌邦禮。治神人。和上下。司馬。掌邦政。

因錯謬也

統六師。平邦國。司寇。掌邦禁。詰姦慝。刑暴亂。司空。掌邦土。居四民。時地利。六卿分職。各率其屬。以倡九牧。阜成兆民。六年。五服一朝。又六年。王乃時巡。考制度。于四岳。諸侯各朝于方岳。大明黜陟。王曰。嗚呼。凡我有官。君子欽。乃攸司。慎乃出令。令出惟行。弗惟反。以公滅私。民其允懷。學古入官。議事以制。政乃不迷。其爾典常。作之師。無以利口。亂厥官。蓄疑敗謀。怠忽荒政。不學牆面。蒞事惟煩。戒爾卿士。

卷之三

書經

四十一

都玩反

靡莫江反

亦舉也

功崇惟志業廣惟勤惟克果斷乃用後艱位
不期驕祿不期侈恭儉惟德無載爾偽作德
心逸日休作偽心勞日拙居寵思危罔不惟
畏弗畏入畏推賢讓能庶官乃和不和政靡
舉能其官惟爾之能稱匪其人惟爾不任王
曰嗚呼三事暨大夫敬爾有官亂爾有政以
佑乃辟永康兆民萬邦惟無斁

君陳

王若曰君陳惟爾令德孝恭惟孝友于兄弟
克施有政命汝尹茲東郊敬哉昔周公師保
萬民民懷其德往慎乃司茲率厥常懋昭周
公之訓惟民其乂我聞曰至治馨香感于神
明黍稷非馨明德惟馨爾尚式時周公之猷
訓惟日孜孜無敢逸豫凡人未見聖若不克
見既見聖亦不克由聖爾其戒哉爾惟風下
民惟草圖厥政莫或不艱有廢有興出入自
爾師虞庶言同則繹爾有嘉謀嘉猷則入告
爾后于內爾乃順之于外曰斯謀斯猷惟我

師衆虞度也

經書也

后之德嗚呼。臣人咸若時。惟良顯哉。王曰。君陳爾。惟弘周公丕訓。無依勢作威。無倚法以削寬。而有制從容。以和殷民。在辟。予曰。辟爾。惟勿辟。予曰。宥爾。惟勿宥。惟厥中。有弗若于汝政。弗化于汝訓。辟以止辟。乃辟。扭于茲。允敗常亂俗。三細不宥。爾無忿疾于頑。無求備于一夫。必有忍其。乃有濟。有容德。乃大簡厥修。亦簡其或不修。進厥良以率其。或不良。惟民生厚。因物有遷。違上所命。從厥攸好。爾克敬典。在德時。乃罔不變。允升于大猷。惟予一人。膺受多福。其爾之休。終有辭於末世。

顧命

國音排國音悔

惟四月哉。生魄。王不懌。甲子。王乃洮頰水。相被冕服。憑玉几。乃同召太保奭。芮伯。彤伯。畢公。衛侯。毛公。師氏。虎。臣。百尹。御事。王曰。嗚呼。疾大漸。惟幾病日臻。既彌留。忍不獲近。予言嗣茲。予審訓命。汝昔君文王。武王。宜重光。奠麗陳教。則肄肄不違。用克達殷集大命。在後之

國定國依止

同音同愚也

釗音耶

亂治也圖進也

遷音旋

延引也

須取也圖莫結反

侗敬迓天威嗣守文武大訓無敢昏逾今天
降疾殆弗興弗悟爾尚明時朕言用敬保元
子釗弘濟于艱難柔遠能遷安勸小大庶邦
思夫人自亂于威儀爾無以釗冒貢于非幾
茲既受命還出綴衣于庭越翼百五王崩
太保命仲桓南宮毛俾爰齊侯呂伋以二千
戈虎賁百人逆于釗於南門之外延入翼室
恤宅宗丁卯命作冊度越七日癸酉伯相命
士須材狄設黼宸綴衣牖間南嚮敷重茂席

仍因也因生時所設也

圖於阮反圖以再反

分徒外反

圖三隅字

肥鉏里反堂廉

黼純華玉仍几西序東嚮敷重底席綴純文
貝仍几東序西嚮敷重豐席畫純雕玉仍几
西夾南嚮敷重筍席玄紛純漆仍几越玉五
重陳寶赤刀大訓弘璧琬琰在西序大玉夷
玉天球河圖在東序胤之舞衣大貝鼗鼓在
西房兌之戈和之弓垂之竹矢在東房大輅
在賓階面綴輅在阼階面先輅在左塾之前
次輅在右塾之前二人雀弁執惠立于畢門
之內四人綦弁執戈上刃夾兩階祀一人冕

劉錡屬

屬錢音達

屬當當作銳音允侍臣所執兵

同爵名

皇大同君也

下法也

眇小而如亂治也

反莫爵也眇眇嫁

齊才詰反以酒至齒也居也

而陳也乘四馬也諸侯皆陳四黃馬而朱其鬣以為廷實也綱舉也宜也

執劉立于東堂一人冕執鉞立于西堂一人

冕執綬立于東垂一人冕執瞿立于西垂一

人冕執銳立于側階王麻冕黼裳由賓階

齊卿士邦君麻冕蟻裳入即位太保太史太宗

皆麻冕彤裳太保承介圭上宗奉同瑁由阼

階齊太史秉書由賓階齊御王冊命曰皇后

憑玉几道揚末命命汝嗣訓臨君周邦率循

大卞燮和天下用答揚文武之光訓王再拜

興答曰眇眇予末小子其能而亂四方以敬

忌天威乃受同瑁王三宿三祭三咤上宗曰

饗太保受同降盥以異同秉璋以酢授宗人

同拜王答拜太保受同祭齊宅授宗人同拜

王答拜太保降收諸侯出廟門俟

康王之誥

王出在應門之內太保率西方諸侯入應門

左畢公率東方諸侯入應門右皆布乘黃朱

賓稱奉圭兼幣曰一二臣衛敢執壤奠皆再

拜稽首王義嗣德答拜太保暨芮伯咸進相

國以九反(國)若未
詳或曰(國)里之四
文王自是始(國)順
天命自是始(國)順
升遐也(國)武王初崩
未諡故曰(國)新陟王
國盡也(國)大也

揖皆再拜稽首曰。敢敬告天子。皇天改大邦
殷之命。惟周文武誕受。美若克恤西土。惟新
陟王畢。協賞罰。裁定厥功用。敷遺後人。休今
王敬之哉。張皇六師。無壞我高祖寡命。王若
曰。庶邦侯甸男衛。惟予一人釗。報誥昔君文
武。丕平富。不務咎。底至齊信。用昭明于天下。
則亦有熊羆之士。不二心之臣。保乂王家。用
端命于上帝。皇天用訓厥道。付畀四方。乃命
建侯樹屏。在我後之人。今予一二伯父。尚胥

暨顧。綏爾先公之臣。服于先王。雖爾身在外。
乃心罔不在王室。用奉恤厥若。無遺鞠于羞。
羣公既皆聽命。相揖趨出。王釋冕。反喪服。

畢命

惟十有二年。六月庚午。朏越三日壬申。王朝
步自宗周。至于豐。以成周之衆。命畢公保釐
東郊。王若曰。嗚呼。父師。惟文王武王敷大德
于天下。用克受殷命。惟周公左右先王。綏定
厥家。茲殷頑民。遷于洛邑。密邇王室。式化厥

國理也

懋盛大之意

淑善慝惡也圖多
早反病也

訓既歷三紀世變風移四方無虞予一人以
 寧道有升降政由俗革不臧厥臧民罔攸勸
 惟公懋德克勤小物弼亮四世正色率下罔
 不祇師言嘉績多于先王予小子垂拱仰成
 王曰嗚呼父師今予祇命公以周公之事往
 哉旌別淑慝表厥宅里彰善癉惡樹之風聲
 弗率訓典殊厥并疆俾克畏慕申畫郊圻慎
 固封守以康四海政貴有恒辭尚體要不惟
 好異商俗靡靡利口惟賢餘風未殄公其念

罔括瓜反

哉我聞曰世祿之家鮮克由禮以蕩陵德實
 悖天道敝化奢靡萬世同流茲殷庶士席寵
 惟舊怙侈滅義服美于人驕淫矜侈將由惡
 終雖收放心閑之惟艱資富能訓惟以末年
 惟德惟義時乃大訓不由古訓于何其訓王
 曰嗚呼父師邦之安危惟茲殷士不剛不柔
 厥德允修惟周公克慎厥始惟君陳克和厥
 中惟公克成厥終二后協心同底于道道洽
 政治澤潤生民四夷左社罔不咸賴予小子

團音問

未膺多福。公其惟時。成周建無窮之基。亦有無窮之聞。子孫訓其成式。惟乂嗚呼。罔曰弗克。惟既厥心。罔曰民寡。惟慎厥事。欽若先王。成烈以休于前政。

君牙

王若曰。嗚呼。君牙。惟乃祖乃父。世篤忠貞。服勞王家。厥有成績。紀于太常。惟予小子嗣守文武成康遺緒。亦惟先王之臣。克左右亂四方。心之憂危。若蹈虎尾。涉于春冰。今命爾予

圖大也

圖謀功也

翼作股肱。心膂。績乃舊服。無忝祖考。弘敷五典。式和民則。爾身克正。罔敢弗正。民心罔中。惟爾之中。夏暑雨。小民惟曰。怨咨。冬祁寒。小民亦惟曰。怨咨。厥惟艱哉。思其艱。以圖其易。民乃寧。嗚呼。丕顯哉。文王謨丕承哉。武王烈啓佑我後人。咸以正罔缺。爾惟敬明。乃訓用奉若于先王。對揚文武之光命。追配于前人。王若曰。君牙。乃惟由先正。舊典時式。民之治亂在茲。率乃祖考之攸行。昭乃辟之有乂。

國俱永友

問命

王若曰。伯冏。惟予弗克于德。嗣先人宅不后。怵惕惟厲。中夜以興。思免厥愆。昔在文武。聰明齊聖。小大之臣。咸懷忠良。其侍御僕從。罔匪正人。以旦夕承弼厥辟。出入起居。罔有不欽。發號施令。罔有不臧。下民祇若。萬邦咸休。惟予一人無良。實賴左右前後有位之士。匡其不及。繩愆糾謬。格其非心。俾克紹先烈。今予命汝作大正。正于羣僕侍御之臣。懋乃后德。交修不逮。慎簡乃僚。無以巧言令色。便辟側媚。其惟吉士。僕臣正。厥后克正。僕臣諛。厥后自聖。后德惟臣。爾無昵于儉人。充耳目之官。迪上以非。先王之典。非人其吉。惟貨其吉。若時。瘝厥官。惟爾大弗克。祇厥辟。惟予汝辜。王曰。嗚呼。欽哉。末弼乃后于彝憲。

從才用友

國直正也

呂刑

惟呂命王。享國百年。耄荒度作刑。以詰四方。王曰。若古有訓。蚩尤惟始。作亂延及于平民。

國忽也

以鴟張跋扈
為義矯虔矯詐虔
劉也

民派昏也
反變也

清問虛心正問也

罔不寇賊。鴟義姦宄。奪攘矯虔。苗民弗用靈
制。以刑惟作。五虐之刑。曰法。殺戮無辜。爰始
淫為。劓剕椽黥。越茲麗刑。并制罔差。有辭。民
興昏漸。泯泯芬芬。罔中于信。以覆誣盟。虐威
庶戮。方告無辜。于上帝。監民罔有聲。香德
刑發聞。惟腥。皇帝哀矜。庶戮之不辜。報虐以
威。遏絕苗民。無世在下。乃命重黎。絕地天通。
罔有降格。羣后之逮在下。明明棗常。鯨寡無
蓋。皇帝清問下民。鯨寡有辭。于苗。德威惟畏。

德明惟明。乃命三后。恤功于民。伯夷降典。折
民惟刑。禹平水土。主名山川。稷降播種。農殖
嘉穀。三后成功。惟殷于民。士制百姓。于刑之
中。以教祗德。穆穆在上。明明在下。灼于四方。
罔不惟德之勤。故乃明于刑之中。率乂于民。
棗彝典。獄非訖于威。惟訖于富。敬忌罔有擇
言在身。惟克天德。自作元命。配享在下。王曰。
嗟。四方司政典獄。非爾惟作大牧。今爾何監。
非時伯夷。播刑之迪。其今爾何懲。惟時苗民。

記蓋也

五

改正音前
圖類也

比附也罪無正律則以上下刑而比附其罪也亂辭之不可聽者不行舊有是法而今不行者

罪大辟疑赦其罰千錢。閔實其罪墨罰之屬千。劓罰之屬千。剕罰之屬五百。官罰之屬三百。大辟之罰其屬二百。五刑之屬二千。上下比罪無僭亂辭勿用不行。惟察惟法其審克之上刑適輕下服下刑適重上服輕重諸罰有權刑罰世輕世重惟齊非齊有倫有要罰懲非死人極于病非佞折獄惟良折獄罔非在中察辭于差非從惟從哀敬折獄明啓刑書膏占咸庶中正其刑其罰其審克之獄成

圖辭無證之辭也

治也

圖聚也圖功猶言罪失也

五極五刑也圖善師象也

而孚輪而孚其刑上備有并兩刑王曰嗚呼敬之哉官伯族姓朕言多懼朕敬于刑有德惟刑今天相民作配在下明清于單辭民之亂罔不中聽獄之兩辭無或私家于獄兩辭獄貨非寶惟府辜功報以庶尤未良惟罰非天不中惟人在命天罰不極庶民罔有令政在于天下王曰嗚呼嗣孫今往何監非德于民之中尚明聽之哉哲人惟刑無疆之辭屬于五極咸中有慶受王嘉師監于茲祥刑

文三書刑

書經下

五

文侯之命

困憐也數而自痛傷也
純大也

王若曰父義和不顯文武克慎明德昭升于
上敷聞在下惟時上帝集厥命于文王亦惟
先正克左右昭事厥辟越小大謀猷罔不率
從肆先祖懷在位嗚呼閔予小子嗣造天丕
愆殄資澤于下民侵戎我國家純卽我御事
罔或者壽俊在厥服予則罔克曰惟祖惟父
其伊恤朕躬嗚呼有績予一人未綏在位父
義和汝克昭乃顯祖汝肇刑文武用會紹乃

辟追孝于前文人汝多修扞我于艱若汝予
嘉王曰父義和其歸視爾師寧爾邦用賚爾
鉅鬯一卣彤弓一彤矢百盧弓一盧矢百馬
四匹父往哉柔遠能邇惠康小民無荒寧簡
恤爾都用成爾顯德

費誓

公曰嗟人無譁聽命但茲淮夷徐戎並興善
敷乃甲冑敵乃干無敢不弔備乃弓矢鍛乃
戈矛礪乃鋒刃無敢不善今惟淫舍牯牛馬

但茲猶曰往者

敵連條反縫完也
敵舉天反猶繫也
用音的精至也
淫大也音音台開
牧也

改正音言

胡化反機檻也
乃結反塞也

杜乃獲斂乃奔無敢傷犴犴之傷汝則有常刑馬牛其風臣妾通逃勿敢越逐祗復之我商賚汝乃越逐不復汝則有常刑無敢寇攘踰垣墻竊馬牛誘臣妾汝則有常刑甲戌我惟征徐戎時乃糗糧無敢不逮汝則有大刑魯人三郊三遂時乃楨榦甲戌我惟築無敢不供汝則有無餘刑非殺魯人三郊三遂時乃芻焚無敢不多汝則有大刑

秦誓

魯隱俞反嬰音交

時丈連反儲備也
糗去九反

訖盡也盤安也

公曰嗟我士聽無譁予誓告汝羣言之首古人有言曰民訖自若是多盤責人斯無難惟受責俾如流是惟艱哉我心之憂日月逾邁若弗云來惟古之謀人則曰未就予忌惟今之謀人姑將以為親雖則云然尚猷詢茲黃髮則罔所愆番番良士旅力既愆我尚有之佻佻勇夫射御不違我尚不欲惟截截善諱言俾君子易辭我皇多有之昧昧我思之如有一介臣斷斷猗無他技其心休休焉其如

番音波番番老貌

佻佻勇貌截截善諱給貌

忌疾妬且也

介獨也斷都玩反
斷誠一之貌
語辭休休易直好

改正音言
善之意

主也圓忌也

既五骨及圓五結
反既阻不安也
備安也

有容人之有技若已有之。人之彥聖其心好
之不啻如自其口出。是能容之。以保我子孫
黎民亦職有利哉。人之有技。冒疾以惡之人
之彥聖而違之。俾不達。是不能容。以不能保
我子孫黎民。亦曰殆哉。邦之杌隉。曰由一人
邦之榮懷。亦尚一人之慶。

書經終

書經終
書經終

